

Ohcejoga gielda
Gielddaráđdehus

ČOAHKKINBEAVDEGIRJI

14

366

ČOAHKKINÁIGI	15.9.2009 dmu 10.00- 11.30		
ČOAHKKINBÁIKI	Gielddadállu, gielddaráđdehusa čeahkkinatnja		
ČOAHKKINLAHTUT (ja merken, gii doaimmai ságadoallin)		Mielde	Eret
Persovnnalaš várrelahtut	Antti Katekeetta, ságadoalli		x
	Esko Härkönen, varreságadoalli	x	
	Rauna Guttorm	x	
	Raimo Hekkanen		x
	Marjatta Kordelin	x	
	Elle Kaaren Aikio	x	
	Ilmari Tapiola	x	
	Matti Valle, várrelahttu	x	
	Tarja Halonen, várrelahttu		
	Bertta Katekeetta, várrelahttu		
	Aslat Jon Länsman, várrelahttu		
	Ossi Pursiheimo, várrelahttu	x	
	Maritta Lukkari, várrelahttu		
Samuel Paltto, várrelahttu			
EARÁT, GEAD LEDJE MIELDE (ja mieldeorruma vuoddu)	Viljo Pesonen, gielddahoavda, áššegiedahalli Marja Stenberg, beavdegirjedoalli Leena Aikio, dulka		
LÁGALAŠVUOHTA JA MEARRIDANVÁLDI 280 §	Mearrádus: Čeahkkin gávnnavuvvui lágalažžan ja mearridanválddálažžan		
BEAVDEGIRJJI DÁRKKISTANVUOHKI (Dárkkistanáigi ja -báiki sihke dárkkisteaddjiid válga dahje merken ovddit beavdegirjji dárkkisteamis) 281 §	Mearrádus: Beavdegirjji dárkkisteaddjin válljejuvvuiga Matti Valle ja Marjatta Kordelin.		
BEAVDEGIRJJI VUOLLÁIČÁLLIN JA NANNEN	Ságadoalli	Beavdegirejedoalli	
	Esko Härkönen	Marja Stenberg	
BEAVDEGIRJJI DÁRKKISTEAPMI Beavdegirji lea dárkkistuvvon ja dat vástida čeahkkingiedahallama. Beavdegirjji giedahallanládiide letne (leat) merken nammabustávaiideame(t)	Dárkkistanáigi <u>15.9.2009</u> Vuolláičállosat	Marjatta Kordelin	Matti Valle
BEAVDEGIRJJI LEA DOLLOJUUVVON ALBMOŠIS	Báiki ja bvm Ohcejoga gielddadállu 22.9.2009 Virgi		

Čoahkkima bargoortnega dohkkeheapmi

15.9.2009

Gr 282 §

Evttohus: Gielddaráđdehus dohkkeha áššiid gieđahallanortnega čoahkkima áššelisttá mielde.

Mearráduš: Ilmari Tapiola evttohii, ahte gielddaráđdehus gieđahallá badjelmearálaš áššin evttohusa BE-guovddáži guolástannjuolggadusa nuppástahttima, daningo dálá njuolggadusain leat ráddjejuvvon maiddái báikegotti olbmuid guolástanvuoigatvuođat.

Gieđahallanortnet oktan Ilmari Tapiola evttohan lasáhusain dohkkehuvvui.

Gávppinannejeaddji giddodatluohpadanalmuhusat ja gielda ovdaoastinvuoigatvuoda geavaheapmi

15.9.2009

Gr 283 §

Gildii leat bohtán čuovvovaš gávppinannejeaddji giddodatluohpadanalmuhusat:

Gávppinannejeaddji	Luohpadeaddji/ luohpadeami oažžu	Čuozáhat
Haarala Pekka	Ollila Pekka/ Tirkkonen Ari (olles giddodat)	Ohcejohka Vuovdaguoika Unhola RNR.30:65
Kuokkanen Jani	Lehtinen Päivi/ Herttuainen Toivo (skeaŋka, mearreoassi ¼ 13440 ha:s)	Ohcejohka Njuorggán Kolmex RNR.5:28
Tervahauta Sami	Aikio Niilo I./ Aikio Eeva-Maarit (fuolkái luohpadeapmi, ½ mearreoassi)	Ohcejohka Kirkonkylä Suohpajávri RNR. 92:0

Evttohus: Gieldaráđdehus merke diehtun gávpenannejeaddji giddodatluohpahanalmuhusaid ja mearrida, ahte gielda ii geavat ovdaoastinvuoigatvuoda gávppi čuozaagain.

Mearráduš: Evttohus dohkkehuvvui.

Birassuodjalanmearrádusat

Sosiála- ja dearvvasvuodálávdegotti birasjuogus
9.12.2008 § 15

Dearvvasvuodabearráigeahču hoavda

Giieldastivra sáhtta addit birassuodjalanlága ollašuttima várás dárbbaslaš báikkálaš diliid geažil gieldda dahje dan oasi guoski dábálaš mearrádusaid, mat gusket eará go dán lága mielde lobi vuloš doaimma dahje birassuodjalanlága 61, 62 tai 78 § mielde almmuhangeatnegas doaimma. Birassuodjalanmearrádusaid addimis lea mearreduvvon birassuodjalanlága 19 §:s.

Mearrádusat sáhttet guoskat:

1. doaimmaide, ráddjemiidda ja ráhkadusaide, maiguin eastaduvvojit suoddamat ja daid vahátlaš váikkuhusat;
2. earenoamáš headušteaddji gaskaboddosaš šláma dahje sparaideami dustemii;
3. Doaimmaide sajuštuvvama eavttut birassuodjaleami dáfus sajádatlávvaguovllu olggobealde;
4. guovlluide, main birrasa earenoamáš billašuvvanvára geažil lea gildojuvvon bázahusčázi stivren eatnamii, čázádahkii dahje čáhcelága 1 logu 2 § dárkkuhan roggai;
5. avádagaide ja guovlluide, gos muhkkiid, veaga ja eanadoalus geavahuvvon birrasii vahátlaš ávdnasiid geavaheapmi ráddjejuvvo;
6. bearráigeahču várás dárbbaslaš dieđuid addimii ja maiddái
7. čáziid dili buorideami guoski doaimmaide, mat leat čáziid dikšuma ordnemis addojuvvon lága (1299/2004) dárkkuhan čáziid dikšunplána mielde dárbbaslaččat.

Birassuodjalanmearrádusaide sáhtta váldit biedggokloahkkaásahusa (VNA dálldoalločáziid giedahallamis čáhcefuolahusrustegiid kloahkkafierpmádaga olggobeale guovlluin 542/2003) heivehansuorgái gullelaš mearrádusaid bázahusčáziid giedahallangáibádusain.

Dearvvasvuodabearráigeahču hoavdda evttohus:

Birasjuogus mearreda bidjat albmosii evttohusaid Anára ja Ohcejoga birassuodjalanmearrádusain, mat leat čuovusin 7 ja 9 ja maiddái vuodustusaid, mat leat čuovusin 8 ja 10, ja sáddet evttohusaid cealkámuša addima várás Lappi birasguovddáži ja Lappi BE – guovddáži ja vel bidjat daid gielddaid ruoktosiidduide oaidnin láhkai.

./..

Birassuodjalanmearrádusat

/.. § 284

Giedahallan: Čoahkkináššiid giedahallanortnet nuppástahttojuvvui nu, ahte dát ášši giedahallui čoahkkima vuosttas áššin.

Birasdárkkisteaddji Juhana Jalkanen lei áššedovdin báikkis dán ášiš giedahallama áigge diibmu 18.05-18.35.

Mearrádus: Bierasjuogus dohkkehii ovttamielaččat dearvvasvuodabearráigeahču hoavdda mearrádusevttohusa.

Sosiála- ja dearvvasvuodálávdegotti birasjuogus
26.5.2009 § 8

Dearvvasvuodabearráigeahču hoavda

Birassuodjalanmearrádusaid guoski evttohusat oktan vuodustusaiguin leat albmosis 14.1-15.2.2009.

Soađegili gieldda biraslávegoddi, Lappi birasguovddáš, Lappi BE - guovddáš, Bálgosiid Ovtastupmi, Inergia Oy, Anára gieldda teknihkalaš lávdegoddi, Ohcejoga gieldda teknihkalaš ossodat ja Anára gieldda buollinhoavda leat addán cealkámušaideaset.

- Soađegili gieldda biraslávdegotti cealkámuš lea válđojuvvon vuhtii paragrafain 4 ja 8.
- Lappi birasguovddáža cealkámuš lea válđojuvvon vuhtii paragrafain 3, 4, 5, 6 ja 10.
- Lappi BE -guovddáža cealkámuš lea válđojuvvon vuhtii paragrafa 12 vuodustusain.
- Bálgosiid Ovtastupmi cealkámuš lea válđojuvvon vuhtii paragrafas 14.
- Inergia Oy:s ii lean fuomášahttimuš evttohus hárrái.
- Anára gieldda teknihkalaš lávdegotti cealkámuš lea válđojuvvon vuhtii paragrafas 19.
- Ohcejoga gieldda teknihkalaš ossodaga cealkámuš lea válđojuvvon vuhtii paragrafas 4.
- Anára gieldda buollinhoavdda cealkámuš lea válđojuvvon vuhtii paragrafain 4 ja 19.
- Dárkilastimat leat dahkkon maiddái paragrafaide 7, 13, 15, 16, 17, 23 ja 28.

Dearvvasvuodabearráigeahču hoavdda evttohus:

Birasjuogus

1. evttoha Anára gielddaráđdehussii ja ain ovddos gielddasivrii, ahte dohkkehuvvojit Anára gieldda birassuodjalanmearrádusat ja birassuodjalanmearrádusaid vuodustusat, mat leat čuovusin 2 ja 3.

/..

Birassuodjalanmearrádusat

./.. § 284

2. evttoha Ohcejoga gielddaráđdehussii ja ain ovddos gielddasivrii, ahte dohkkehuvvojit Ohcejoga gieldda birassuodjalanmearrádusat ja birassuodjalanmearrádusaid vuodustusat, mat leat čuovusin 4 ja 5.

Mearrádus: Birasjuogus ovtamielalaččat dohkkehii dearvvasvuodabearráigeahču hoavdda mearrádusevttohusa.

21.8.2009

Gr 265 §

Anára-Ohcejoga gieldda sosiála- ja dearvvasvuodálávdegotti birasjuogus lea ráhkadan ja dohkkehan Ohcejoga gieldda guoski birassuodjalanmearrádusaid. Mearrádusat ja daid vuodustusat leat mieldečuovvu materiálan.

Evttohus: Gielddaráđdehus dohkkeha birassuodjalanmearrádusaid ja daid vuodustusaid birasjuokosa evttohusa mielde ja evttoha, ahte gielddastivra nanne birassuodjalanmearrádusaid.

Mearrádus: Gielddaráđdehus mearridii sirdit ášši gieđahallama čuovvovaš čoahkkimii. Birassuodjalančáli bivdojuvvo čoahkkimii muitalit ášši birra.

15.9.2009

Gr 284 §

Birassuodjalančáli Juhana Jalkanen muitala ášši birra čoahkkimis. Birassuodjalanmearrádusat sihke daid vuodustusat leat doaimmahuvvon ovddit čoahkkima áššebáhpáriid oktavuodas.

Evttohus: Gielddaráđdehus dohkkeha birassuodjalanmearrádusaid sihke daid vuodustusaid birasjuokosa evttohusa mielde ja ovdanbuktá daid ođđasit gielddastivrii nannenláhkai.

Mearrádus: Evttohus dohkkehuvvui.

Doaibman: gielddastivra

Dorvvolašvuodaplána

15.9.2009

Gr 285 §

Dorvvolašvuodadoaibmagoddi lea gárvvistan evttohusa Anára ja Ohcejoga gielddaid dorvvolašvuodaplánan, plána čuovusin. Anára giieldaráđdehus lea dohkkehan dorvvolašvuodaplána Anára gieldda oasil ja Anára gielldastivra lea merken ášši diehtun.

Evttohus: Giieldaráđdehus dohkkeha dorvvolašvuodaplána, mii lea čuovusin, ja evttoha dan gielldastivrii dohkkehanláhkai.

Mearrádus: Evttohus dohkkehuvvui.

Doaibman: gielldastivra

Alimus hálddahasrievtti čilgenbivdda

15.9.2009

Gr 286 §

Alimus hálddahasriekti bivdá giieldaráđđehusas vástádusa Tuomo Kangasniemi váidagii, mii guoská gielddastivrra 20.12.2007 § 108 dahkan mearrádusa giddodathoavdda virggi deavdimis. Vástádus bivdojuvvo addojuvvot 18.9.2009 rádjai. Áššebáhpárat leat ollásit oaidnimis čoahkkimis.

Evttohus: Giieldaráđđehus laktá Alimus hálddahasriektái manni áššebáhpáriidda kopia šleatgapoastasánis, mas boahtá ovdan Toivo Partanen ohcamuša boahtináigi. Eará osiin giieldaráđđehusas ii leat lasihanláhkai Roavvenjárgga hálddahasrievtti áššis dahkan mearrádussii.

Mearrádus: Evttohus dohkkehuvvui.

Diehtun: Alimus hálddahasriekti + áššebáhpárat

Vuojadanhállagohcci doaibmasadjásašvuoda deavdinlohpi

15.9.2009

Gr 287 §

Ohcejoga vuojahanhálla fásta vuojadanhállagohcci Harri Krogerus lea ohcan čuvgehuslávdegottis báلكkáhíis friijavuoda áigodahkii 14.9.2009 - 31.8.2010.

Čuvgehuslávdegotti čuovvovaš čoahkkin lea 1.10.2009, mas giedahallo ee. Krogerusa ohcamuš. Rektor-čuvgehusdoaimmahoavda lea lávdegotti válmmaštallin bidjan vuodjanhállagohcci doaibmasadjásašvuoda ohcanláhkai 4.9.2009 rádjai.

Vai sadjásačča váldin jođálmuvašii, rektor-čuvgehusdoaimmahoavda bivdá gielddaráđdehusas čuvgehuslávdegotti beales lobi deavdit vuodjanhállagohcci (50 %) doaibmasadjásašvuoda áigodahkii 14.9.2009 - 31.8.2010.

Evttohus: Gielddaráđdehus miediha čuvgehuslávdegoddái vuodjanhállagohcci (50 %) doaibmasadjásašvuoda deavdinlobi áigodahkii 14.9.2009 - 31.8.2010 rektor-čuvgehusdoaimmahoavdda ohcamuša mielde.

Mearráduš: Evttohus dohkkehuvvui.

Diehtun: rektor-čuvgehusdoaimmahoavda

Cealkámuš Tapani Henriksson spiehkastanlohpeohcamuššii

15.9.2009

Gr 288 §

Tapani Henriksson ohcá spiehkasteami luopmoviesu, sávnni ja biilastálla huksemii Ohcejoga gieldda Vuovdagoikka gilis, Suohpajoga guvlui, eanasadjái: Marjala RNr.39:19.

Eanasadji ja huksenfidnu lea seamma go 28.4.2009, 173 §:s giedahallon fidnu, masa gielddaráđdehus lea guottiha spiehkastanlobi miediheami. Lappi birasguovddáš lea gáibidan odđa ohcamuša guođđima daningo eanasajis lea dál odđa oamasteaddji.

Válmmaštalli: huksendárkkisteaddji

Válmmaštalli evttohus: Gielddaráđdehus guottiha spiehkastanlobi, dasgo eanasadjái lea merkejuvvon huksenvuoigatvuohta.

Evttohus: Gielddaráđdehus dohkkeha válmmaštalli evttohusa.

Mearráduš: Evttohus dohkkehuvvui.

Diehtun: Lappi birasguovddáš + áššebáhpárat
huksendárkkisteaddji

Cealkámušbivdda árvalusas ráđđehusa evttohussan láhkan, mii addojuvvo dulveriskkaid hálddašeamis, ja muhtun dasa laktáseaddji láhkan

15.9.2009

Gr 289 § Eana- ja meahccedoalloministeriija bivdá gielddas cealkámuša árvalusas ráđđehusa evttohussan láhkan, mii addojuvvo dulveriskkaid hálddašeamis, ja muhtun dasa laktáseaddji láhkan.

Lága ulbmilin lea ollašuttit dulveriskkaid árvvoštallamis ja hálddašeamis addojuvvon direktiivva (2007/60 EY) sihke mearridit jagi 2010 álggus vuodđudanláhka ealáhus-, johtolat- ja birasguovddážiid bargguin dulveriskkaid hálddašeamis.

Gielddaid doibmii čuhcet dušše láhkačuoggát, mat gieđahallet gielddaid ovddasvástádusaid ng. eanačáhcedulvviid hálddašeamis ja daidda gullevaš ráhkanemiin.

Lassin gielddaid doibmii, dulvedirektiiva stivre eanangodelihtuid ja birasguovddáža dulvviid vuhtiiváldima lávvaráhkadeamis.

Válmmaštalai: huksendárkkisteaddji

Válmmaštalli evttohus: Ohcejoga gielddas ii leat fuomášahttámuš evttohusa birra.

Evttohus: Gielddaráđđehus dohkkeha válmmaštalli evttohusa ja cealká ahte gielddas ii leat fuomášahttámuš máinnašuvvon árvalussii ráđđehusa evttohussan. Áššebáhpárat leat ollásit oaidnimis čoahkkimis.

Mearráduš: Evttohus dohkkehuvvui.

Diehtun: Eana- ja meahccedoalloministeriija

Evttohus beaktolinjjá (govdalinjá d. beaktoali/"laajakaista") ráhkadeamis guovlluide

18.6.2009

Gr 216 §

Lappi lihttu bivdá 31.5.2009 rádjái evttohusa beaktolinjjáfierpmi ráhkadeamis gieldda sisa. Stáhtaráđdi lea juovlamánus 2008 dahkan prinsihppamearrádusa, man juksanmearrin lea, ahte jagi 2015 loahpa rádjái 100 Mbit/s -beaktolinjjáoktavuođat livčče eanemustá guovtti kilomehtera guhkkosaš giddes dahje láiggehis dingonoktavuođain juksamis eanetgo 99 % bissovaš ássanviesuin ja maiddá fitnodagaid ja almmushálddahusa organisašuvnnaid fásta doaibmabáikkiin.

Čoahkkebáikkiide telefitnodagat ráhkadit jodánis oktavuođaid márkaneavttuid vuodul (95 % álbmogis). Stáhta doarjja miedehuvvo mañemuš 5 % álbmoga juksamii. Fiberfierbmi galgá plánejuvvot márkaneaktosaš guovllu olggobeallái. Gielddaid bivdetge plánat kártenmuttus nu viidát gokčevaš čuovgafiberfierpmi oktan lavttačuolmmaiguin go vejolaš. Fidnuide, mat eai leat kártejuvvon ja govvejuvvon, ii leat vejolaš fidnet doarjaga stáhtadoarjaga prinsihppamearrádusa vuodul.

Lavttačuolmmaid plánedettiin ferte váldit vuhtii, ahte mihttomearredási mielde 100 Mbit/s beaktilis lavttačuolbma berre leat dingojeaddji olámuttos eanemustá 2 km:a duohken. Dávjjimusas lavttačuolmmaid ferte ráhkadit njealje kilomehtera gaskkain.

Iešguđet lavttačuolmma buohta čoggojuvvojit nu viidát go vejolaš čuovvovaš dieđut:

- mo árvvoštallabehtet guovllu olmmošlogu ovdánit boahhtevuođas (fárrenlihkadus)
- álbmot ja álbmoga ahkejuohkášuvvan (Lappi lihttu sáhtta buvttadit 2007 veahkadatdieđu vuodul)
- almmolaš sektora doaibmabáikkiid ja skuvllaid sajádagat
- fitnodagaid doaibmabáikkiid sajádagat
- eanadállodoalu fitnodagaid, earenoamážit šibitdáluid sajádagat
- turismaealáhusa doaibmabáikkiid sajádagat
- birrajahkásaš luopmoássama sajádagat
- lávvaplánat ja
- eará servodatteknihka fierpmádagaid ráhkadanplánat.

Dasa lassin sáhtta ovdanbuktit čuovvovaš dieđuid:

- gáiddosoahput/gáiddosbárgodárbbut
- boarrásiid doarjjaortnegat
- dálá Internet-ruoktodállodoalut.

Gielladaid evttohusaid vuodul Lappi lihttu árvvoštallá ráhkadangoluid lavttačuolmmaid meari ja huksehahti fiberkilomehteriid vuodul geavahemiin refereansahattiid, maid gulahallanvirgedoaimmahat lea meroštallan.

/..

Beaktolinnjá juohke ruktui -fidnu

./..§ 290

Gulahallanvirgedoaimmahaga reivve mielde visot álgomuddosaš fidnoplánain ovdanbukton proševttaid eai várra gal šatta ollašuhhtit, ja buot dáin fidnuin eai várra goittotge ollásit šatta fidnet beaktolinnjádoarjaga. Nuba fidnuid leat bivdán vuoruhit. Gielddat sáhttet prioriseret jos háliidit ráhkadeami jo dán muttus. Goittotge maŋemušta čakčat (borge-čakčamánu áigge) gielddaid bivdet vuoruhit ráhkadeapmái evttohahtti guovlluid. Miellidusmateriálan lea čuovgafiberfierbmeplána oktan lavttačuolmmaiguin Ohcejoga gieldda siste.

Ealáhusčáli ovdanbukta plána čoahkkimis.

Evttohus: Gielddaráđdehus dohkkeha Lappi lihttui ovddiduvvon evttohusa beaktolinnjáfierpmi ráhkadeamis.

Nuppástusevttohus: Gielddaráđdehus dohkkeha Lappi Lihttui dahkkon evttohusa beaktolinnjá ráhkadeamis, muhto gielda ii oassálastte nd. vuodđogeidnosa goasttádusaide gaskii Gámas – Gáregasnjárga - Ohcejohka.

Mearráduš: Čoahkkín gulai ealáhusčáli Tapani Tapiola ovdanbuktimá áššis.

Ságadoalli Antti Katekeetta evttohii gieldda oaivilin, ahte juos vuodđofierbmi ii Ohcejohkii fidnejuvvo, de báhcá áidna gielda, mas sámít leat eanetlohkun, johtilis beaktolinnjáoktavuođaid olggobeallái.

Nuppástusevttohus ságadoalli evttohan lasáhusain dohkkehuvvui.

15.9.2009

Gr 290 §

Lappi lihttu bivdá dis dárkkálmahtton evttohusa gieldda sisa huksenláhkai beaktolinnjáfidnuid áigetávvaliin sihke álgomuttu ruhtadančatnašumi 21.9.2009 rádjai. Olles Lappi fidnoplána berre doaimmahit Kommunikašuvdnadoaimmahakkii (Viestintävirasto) čakčamánu loahpa rádjai. Dárkkálmahttit sáhtta vel golggotmánusge. Gielddat ávžžuhuvvojít mannat gidđat dahkkojuvvon evttohusaid čađa ja dárbbu mielde divvut ja dievasmahttit plánaid. Ovdal evttohuuvon fidnosurggiid sáhtta vel hábmet (omd. nu ahte ovttašáhtta j. 2010 fidnuid dahje juohká daid gielddain, main oppa gielda lea plánejuvvon ovttá fidnosuorgái ja omd. goluid geažil lea dárbu juohkit ollašumi mángga jahkái.)

Fidnosurggiid plánemis galgá váldit vuhtii dáid áššiid:

- Guovllut, mat báhcet fidnosurggiid ráddjema olggobeallái, eai sáhte maŋŋáge oazžut stáhtá doarjaga dán fidnus.

./..

Beaktolinnjá juohke ruktui -fidnu

./..§ 290

- Lavttačuoggáid ii dárbbáš vealttakeahhtá plánet. Lavttačuoggáid ollesmeari sáhtá árvvoštallat kommunikašuvnadoaimmahaga rávvaga mielde juohkimiin oppa fidnosuorggi árvvoštallon dingojeaddjimeari 20:in. Lavttačuoggát rehkenastojit laktaga jáhkeahhti oastiid mielde dahjege álgomuttus sullii 30 - 50 % fidnosuorggi vejolaš laktagiin. Fidnuid áigetávvalat galget leat jagiin 2010 - 2015. Erenomážit jagi 2010 fidnuide galgá dievasmahttit fidnoplánaid fitnodagaid ja almmolaš sektora doaibmabáikkiid oasil. Luopmoássama ja johtilis oktavuodaid hálideaddjiid meari čielggadeapmi ii leat bákkolaš diehtu, muhto doarju boahttevaš gilvalahttima. Gielda berre addit álgomuttu ruhtadančatnašumi fidnuide. Lappi lihttu lea dahkan álgomuttu golloárvvoštallamiid gielddaid evttohusaid vuodul geavahemiin kommunikašuvnadoaimmahaga doaimmahan hattiid. Golut leat rehkenaston vuhtiiválddekeahhtá fierpmi, mii gávdno juo. Danin dat bohtet njiedjat mángga guovllus gilvalahttinmuttus árvvu mielde juoba 30 %. Gielda sáhtá heivehit beaktolinnjáráhkadeami fidnoprográmmastis 6-jagi áigodahkii, nu ahte golutge juohkásit mángga jahkái. Doarjaga huksemii sáhtá oazžut jagi 2015 loahpa rádjai.

Válmmaštalai: ealáhusčáli

Evttohus: Addojuvvo čoahkkimis.**Čoahkkimis addojuvvon evttohus:**

1. Gielda čatnasa ruhtadit eanemusat 22 %:in gieldda siskkáldas fierpmi huksema. Gielda ii oassálastte nd. vuodđogeidnosa (Gámas - Ohcejohka) ráhkadangoasttádusaide. Gieldda oainnu mielde vuodđogeidnosa ráhkadeapmi gaskii Gámas – Gámasmohkki – Gáregasnjárga – Ohcejohka livččii oppalašekonomalaččat jierbmát go vuodđogeidnosa ráhkadeapmi gaskii Gámas - Ohcejohka. Dán nuppástussii fierbmái fidnešii eanebuid searvat ja turismafitnodagat, geat leat geidnosa guoras, beasašedje njuolga vuodđogeidnosii fárrui.
2. Ráhkadanáigetávval lea vuos gaska Ohcejohka - Gáregasnjárga ja dan maŋná gaska Ohcejohka – Njuorggán (juos vuodđogeainnus dušše gaskii Gámas – Ohcejohka). Ráhkadeami sáhtá álggahit j. 2010, guovllut ráhkaduvvojit oruskeahhtá ovdal máinnašuvvon ortnega mielde.
3. Eará guovllut geahččaluvvojit ožžojuvvot láiggehis fierpmi olámuddui (ee. Gámasmohkki ja Buolbmátjávri). Láiggehis fierpmi goasttádusat laktojuvvojit doarjjaohcamuššii.

./..

Beaktolinnjá juohke ruktui -fidnu

./..§ 290

4. Gielda joatká ain ráđđadallamiid seavamis Norgga beaktolinnjáfierbmái.

Mearrádus: Gielddahoavda jugii gielddaráđđehusa lahtuide diehtun johtolat- ja kommunikašuvdnaminster Suvi Lindénii ja stáhtačáli Raimo Sailasii doaimmahuvvon Davvi-Lappi guovloovttasbarggu gieldaovttastumi reivve beaktolinnjá huksemis Davvi-Lappis.

Merkejuvvui beavdegirjái, ahte álgomuttu čatnaseami maŋŋáge gielda sáhtá cealkit luovus fidnus, juos loahpalaš goasttádušat gorgŋot árvvostallojuvvon dásis.

Evttohus dohkkehuvvui.

Doaibman: ealáhusčáli

Geahčastat ruhtadollui

15.9.2009

Gr 291 § Gullat ruhtadoalldili birra.

Evttohus: Merkejuvvo diehtun.**Mearráduš:** Merkejuvvui diehtun.

Doaibmaorgánaid mearrádusat

15.9.2009

Gr 292 §

Lávdegottiid beavdegirjiid berre doaimmahit gielddahovdii njealje beaivve siste beavdegirji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa sihke iežas vuollásaš stivrra ja virgehálldašeaddji mearrádusaide. Váldinmearrádusa sáhttet dahkat gielddaráđdehus dahje dan ságajodiheaddji, gielddahoavda dahje stivrennjuolggadusas mearriduvvon virgehálldašeaddji. Váldinvuoigatvuođa galgá geavahit manjimušta njulgengáibádusáiggi siste. Geavadis gielddahoavda manná lávdegottiid mearrádusaid čađa. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjijt diehtun ja seammás mearriduvvo, ahte váldinvuoigatvuohta ii geavahuvvo beavdegirjiide gulli áššiin. Beavdegirjiid kopijjat eai laktojuvvo gielddaráđdehusa beavdegirjái, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjijt leat oaidnimis čoahkkínbáikkis: Ealáhuslávdegoddi 21.8.2009, Vuodđodorvolávdegoddi 3.9.2009.

Evttohus: Gielddaráđdehus merke diehtun doaibmaorgánaid dahkan mearrádusaid ja gávnna, ahte GiellaL 51 §:a meroštallan váldinvuoigatvuohta ii leat geavahuvvon.

Mearrádus: Ilmari Tapiola evttohii, ahte gielddaráđdehus geavaha váldinvuoigatvuođa vuodđodorvolávdegotti mearrádussii § 69 Dárkkálnahttojuvvon evttohusat sámegielat sosiála- ja dearvasvuodabálvalusaid buvttadeami várás čujuhuvvon stáhtadoarjaga dárbbus jagi 2010

Gielddaráđdehus dohkkehii Ilmari Tapiola evttohusa ja mearridii bivdit vuodđodorvolávdegottis vuodustusaid Veahkke-Aslat –doaimmaid deavdimis giliin čuovvovaš gielddaráđdehusa čoahkkimiin.

Eará osiid buohta evttohus dohkkehuvvui.

Doaibman: vuodđodorvolávdegoddi
Diehtun: hálldahusgottit

Áššit diehtun

15.9.2009

Gr 293 § **Evttohus:** Gielddaráđdehus merke diehtun čuovvovaš áššebáhpáriid:

Gielddaid bargomárkanlágádus

- Gielddaid diibmobáلكávuđot bargoveaga báلكádárkkisteamit 1.9.2009

Gieldalihttu

- Oktasašbreava (Yleiskirje) 17/80/2009; Influeanssá A-virusa olbmui ođđa vuollettiipa H1N1 sihkkovuvvo eret njoammudávdaásahusas 27.7.2009 rájes
- Oktasašbreava 19/80/2009; Láhka birasdearvvasvuodafuolahusa ovttasdoaimanguovllus

Lappi lihttu

- Gádjunlávdegotti beavdegirjeválldus 17.6.2009 čoahkkimis: Gádjunlágádusa ráđđádallangotti nammadeapmi

Tampere gávpot

- Álbmotlaš veteránabeaivvi riikkaviidosáš váldofeasta 2010

Ohcejoga gielda

- Ohcejoga gieldda váidda Alimus hálddahasriektái; váidda guoská Ohcejoga gielddastivrra dohkkehan Ohcejoga gáddeasseoppalašláva

Mearrádus: Merkejuvvojedje diehtun.

Čoahkkínbovdehusas máinnaškeahthes eará áššit
Guolástusnjuolggadusa mearrádušat

15.9.2009

Gr 294 §

Mearráduš: Gielddaráđđehus mearridii ovdal čoahkkimis giedahallat badjelmearálaš áššin evttohusa BE-guovddáža guolástannjuolggadusa nuppástahttimis, daningo dálá njuolggadusain leat ráddjejuvvon maiddái báikegotti olbmuid guolástanvuoigatvuođat.

Gielddaráđđehus mearridii válmmaštallat ášši čuoovvovaš gielddaráđđehusa čoahkkimii. Čoahkkín mearreduvvui dollojuvvot 13.10 dmu 10.00 rájes.

Čoahkkinbovdehusas máinnaškeahthes eará áššit
Huksenlobiid bearráigeahčču

15.9.2009

Gr 295 §

Mearrádus: Ilmari Tapiola evttohii, ahte teknihkalaš doaimmas bivdojuvvo čilgehus huksenlobiid mieđihangeavadas ja maiddáii lobiid bearráigeahččomanahallamis.

Gielddaráđdehus mearridii, ahte dán čilgehusa galgá buktit čuovvovaš gielddaráđdehusa čoahkkimii.